

Cagamas terbit nota konvensional jangka sederhana

KUALA LUMPUR: Cagamas Bhd, perbadanan gadai janji nasional, mengumumkan penerbitan nota konvensional jangka sederhana (CMTN) dua tahun bernilai RM350 juta.

Dalam satu kenyataan hari ini, Cagamas berkata hasil daripada penerbitan berkenaan akan digunakan untuk membiayai pembelian pinjaman perumahan daripada sistem kewangan.

"CMTN dua tahun telah berjaya dimuk-

tamadkan dengan hasil kompetitif pada 3.42 peratus, mewakili perbezaan harga bidaan dan tawaran sebanyak 10 basis dalam tukaran kadar faedah dua tahun.

"Ini dicapai meskipun dengan ketidaktentuan pasaran global mendahului pilihan raya Presiden Amerika Syarikat dan keputusan mengenai kadar faedah oleh Jawatankuasa Pasaran Terbuka Persekutuan (FOMC) pada awal November, yang mempengaruhi peserta pasaran untuk menimbang kemun-

gkinan kenaikan kadar faedah pada mesyuarat akan datang," kata Ketua Pegawai Eksekutifnya Chung Chee Leong.

Beliau berkata penerbitan itu juga menunjukkan peningkatan penerimaan sukuk dan bon korporat mata wang tempatan dalam kalangan pelabur asing, yang dapat dilihat dengan pertumbuhan tahun ke tahun dalam pemegangan asing bon ringgit Cagamas daripada 0.6 hingga 7.8 peratus setakat September 2016. – BERNAMA